

续资治通鉴长编

續貴州通志卷之四

續資治通鑑長編卷四百四十八

宋 李燾 撰

哲宗

元祐五年九月癸亥侍御史孫升言近除兩浙提點刑  
 獄王瑜為刑部員外郎瑜在兩浙日湖州武康縣民陳  
 德堯訴知縣韓宗堯不法瑜反送本縣施行轉運判官  
 張壽已坐此得罪乞罷瑜除命詔瑜別與差遣仍令江  
 淮荆浙等路發運司鞫治以聞王瑜除刑外在八月四日并見于此壽事在七月  
 四月二十日刑部言湖北轉運司申請和買紬絹並乞依  
 封送二稅簿條施行從之 戶部言請令大宗正司具  
 合請生日支賜宗室及宗室女職位名稱并係所生月  
 日及合給支賜條例關太府寺從之

乙丑右正言劉唐老言伏見諸路州縣有自來災傷倚閣稅賦候豐熟日起納今來秋稼已成竊慮官吏乘此登稔併行催索轉運司利於輸入不免督責施行伏念閒者累年災傷公私逋負不少幸茲一稔稱貸之益苦無遺餘逼於催科之嚴反以收成為患臣今欲乞朝廷指揮諸路有倚閣稅賦合納去處以十分為率且令催納三分其餘候將來豐熟依條舉行所貴目下佃民實獲豐年之惠

密疏九月四日

丙寅戶部言自今後欠負官物磨勘畢立限監催須候納及二分方關理欠司如未納及二分及未關理欠司遇赦並不除放從之

新無

丁卯權知開封府天章閣待制顧臨為兵部侍郎兼侍

讀兵部侍郎范純禮為給事中蘇轍云云在十二月二日王寅孫升亦有

言 樞密都承旨龍圖閣待制王巖叟權知開封府殿

中侍御史楊康國為左司諫國子司業集賢校理孔武

仲兼侍講直祕閣起居郎黃廉為集賢殿修撰充樞密

院都承旨殿中侍御史上官均言廉在元豐初嘗為御

史與蔡確鞫相州獄廉曲意附確煅煉士人陷無辜於

深刑不可使居要近乃詔廉依前職為陝西都轉運使

陝西都漕十八日改除并見于此均集有兩章論廉甚詳今但從實錄存其略廉為左史在四年十月三日六

年十一月十八日再詔為給事 考功郎中岑象求為殿中侍御史蘇

轍孫升言臣等近準敕舉岑象求趙屺充臺官已蒙聖

恩除象求殿中侍御史竊見本臺兩院官共六員分領

六察皆得言事元祐之初朝廷急於求治臺中闕員略

無一二四方觀望皆知陛下勤於聽納爭效悃幅以補  
 萬一今日監察御史併闕四員雖聖明開納之意無損  
 於前而員闕不補中外疑惑今六曹寺監雖復閑地每  
 遇有關猶未嘗不補況於人主耳目所係至重自非諱  
 聞直言及有所壅蔽而聽其久闕實非治世之事也况  
 六察所治事務不少若稍有弛廢則冤抑者必眾亦非  
 先帝設官之本意也伏乞特出聖旨下本臺及兩制分  
 舉八員陛下擇取四人用之使天下曉然知朝廷招求  
 忠言與昔無異不勝幸甚

十月十七日徐君平虞策為  
 察院乃轍與承旨鄧溫伯所  
 舉必因轍此章乞本臺及兩制分舉故從之但實錄脫  
 遺耳九月初監察御史並闕二十二日乃除裴綸綸十  
 月二日罷十七日轍又言臣伏見唐制御史屬官皆大  
 始除徐君平虞策

夫中丞自舉及本朝舊法亦皆丞雜及兩制舉人蓋以

人主耳目之官不欲令執政用其私人以防壅蔽近自元祐三年六月八日聖旨指揮殿中侍御史監察御史并用陞朝官通判資序實厯一年以上人自是以來雖時復令本臺及兩制舉官而終無一人應格可用何者士自選人改官經兩任知縣一任通判若稍有才名多爲朝廷擢用其餘碌碌無取難以復堪臺官雖或間有沈淪未見知賞然亦已少矣今法限取此人已傷苛細而又緣此祖宗舉臺官舊法久廢不用而執政以意選用舊人之例遂以成風近日雖聖意開悟復令臣等舉官然弊法尙存方人物衰少之時實患難以應法伏乞檢臣前奏稍改近制令臺官得舉陞朝第二任知縣及通判以上各半若謂知縣資淺乞依尙書侍郎例許權

監察御史所貴稍存祖宗故事不致執政自用臺官雖方今君臣相信法度可略而朝廷紀綱不可不經久遠臣職在臺長臺中典章義當固守轍又言臣聞書稱堯舜之德曰明四目達四聰蓋人君居高宅深其勢易與臣下隔絕若不務廣耳目則不聞外事無以豫知禍福之原臣不敢復論前代請陳本朝故事每當視朝上有丞弼朝夕奏事下有臺諫更迭進見內有兩省侍從諸司官長以事奏稟外有監司郡守走馬承受辭見入奏凡所以爲上耳目者其眾如此然至於事有壅蔽猶或不免今自太皇太后陛下皇帝陛下垂簾以來每事謹重羣臣得對於前者惟有執政及臺諫官而已然天下之事其是非可否旣決於執政陛下欲於執政之外特



有所聞者又獨有臺諫數人而已臣觀今日臺官三員  
諫官二員其間非執政私人特出聖意所用者又不過  
一二人孔子有言今吾於人也聽其言而觀其行陛下  
試取此五人言行之實而諦觀之則其邪正向背槩可  
見也昔漢成之世王鳳用事羣臣莫敢盡言惟劉向王  
章力言其惡無所顧避皆爲鳳所不喜言卒不用或繼  
以死而鳳推薦其門人如杜欽谷永之流使上封論事  
欽等所言皆掩蔽鳳短專攻帝失由此直言不聞漢以  
不競今陛下深處帷幄耳目至少惟有臺諫數人若又  
聽執政得自選擇不公選正人而用之臣恐天下安危  
之計無由得達於前而朝廷之勢殆矣惟陛下留神省  
察無忽臣言則社稷之福也

臺官三員侍御史孫升殿  
中上官均岑象求諫官二

員左司諫楊康國右司諫劉唐老此九月  
初臺諫員數九月末除裴綸察院十月罷

權管勾步

軍司劉斌為秦鳳路副都總管權管勾馬軍司姚麟兼

權管勾步軍司

己巳左藏庫副使趙覲特換右奉議郎與通判差遣以

覲父師且死事康州故也政日八日事詔開封府諸科額

二百三十二已撥五十添解進士今就試人多特更撥

一百五十此據政目八日事增入額數當  
考詳七月十二日已撥五十

壬申戶部言因娶宗室女并內命婦保甲授官者並不

免本戶科配及第一等戶娶妻以陣亡之家恩澤授官

者亦如之又請在京酒戶如不依限內納麴價錢並依

外州縣催理公私所欠錢給限監理三限不足以所欠

多少定罪並從之

癸酉詔除三路外諸路轉運安撫鈐轄司三京留守司

各權添差大使臣兩員充準備差遣實錄中吏部尙書

右選官闕五百餘大使臣二千三百約四人守一闕此

三選最少故有是詔此據政目增入集賢校理葉祖洽爲考

功郎中朝散大夫郭槩爲刑部郎川十六日韓云云

丙子定武軍留後贈開府儀同三司追封建國公諡章

靖克繼卒

丁丑詔復置集賢院學士 又詔責授成州團練副使

黃州安置吳居厚爲左朝奉郎少府少監分司南京左

朝奉大夫監常州茶稅賈青管勾洞霄宮右朝奉大夫

監秦州酒稅呂孝廉管勾僊源縣景靈宮太極觀右朝

請大夫監宿州酒稅呂公雅管勾鴻慶宮政目云吳居厚于舊官上

降三官除朝奉少府丞分司南京許外州取  
便居賈青呂孝廉王子京呂公雅并管宮

中書舍

人韓川言近除朝散大夫郭槩為刑部郎中按槩才識

鄙下不足塵玷郎位詔槩別與差遣十二日除知蘄

州莫君陳為刑部員外郎 贈左奉議郎直集賢院管

勾崇福宮司馬康為右諫議大夫官給葬事賻金帛有

加六月四月除右司諫病不能拜八月二十四日直集賢崇福九月六日卒贈官據政目并墓誌增入紹聖

四年閏二月追奪 通議大夫王端卒

庚辰刑部言請給厯品官宗室及宗女若係公之人滿

四年餘人滿二年令一易以舊厯納戶部檢勘關送比

部看詳磨勘訖送度支檢勘架閣從之又言人吏疲懦

若累有犯不可存留者其實狀體量申尚書省六曹門

下中書後省體量人吏疲懦若累有犯不可存留者送

中書省若都省審察六曹門下中書後省者降等出職  
年限未及者又降一等降至守關軍將者免降未有合  
出職名者放罷從之 賜荆湖北路封樁錢十萬貫為

邊備

政日十  
八日事

壬午御邇英閣詔講讀官讀書講寶訓宰相執政講讀  
記注官各賜御書詩一首上親書姓名於其後

癸未左朝散郎裴綸為監察御史尋改屯田員外郎

裴綸

不知誰薦又不知何故便改屯外改屯外在十月十一  
日今並書范祖禹手記云元祐五年除御史辭不就

侍御史孫升言臣竊聞新除監察御史裴綸辭免除

命甚堅議者皆言綸之擢用外廷不知所以被召因依  
夫未經試用之臣聲迹疏遠一旦為人主所知任之為  
耳目非緣近臣論薦則必有章奏感悟人主如唐之馬

周也且觀遠臣以其所主進不以禮主或非人雖孔子猶見疑於眾人必待孟子以爲之辨況裴綸言行未足以信於天下而召用未明宜乎綸辭避而不敢當其命也御史居耳目紀綱之地以正色敢言不避權強爲職其進也豈可不自重哉伏望聖慈詳察明降召用裴綸因依付外不獨使綸有以自明立朝無愧亦所以示天下後世用人之公也

劉摯記裴綸及胡兢事云先是中旨召綸及兢爲言事官輔臣面奏候召到審察綸至一詣都堂其人亦清修之士惟蘇頌略識之遂以綸爲監察旣而言者交章論列以謂人主用人固善但此二人何緣達于上聽恐岐徑一開不勝其弊乞明降薦者章奏以公選授而綸亦懇辭故罷之終不諭以所薦又

論兢嘗為瀛州學士罪惡有狀因并諭曰兢到別與差

遣外議推求其論為說不一或曰綸前通判蔡州頌有

子在其部犯法將敗綸力庇全之故頌密薦又曰綸居

許與諸韓善近宗師來多延譽于士大夫而致之于傅

堯俞故堯俞密啟或又云維所薦也兢則多謂陳衍薦

之蓋嘗承受于高陽與兢同時又雅相厚也初云韓忠

彥劉安世所薦皆高陽同官爾問二人皆不然按呂大

十月二十五日胡兢為宗正寺丞專切措置荆湖北

路邊事司言渠陽寨主李備申蠻賊犯邊借差楊晟經

等掩獲有功詔與等第轉資及補軍校應該賞人其借

職以下令給付身文字依陝西例又言備及監押蔡義

與蠻賊凡十餘戰乞加賜予詔賜金帛有差賜金帛在二十四日

今并書之 戶部言冶戶煽生鐵如有隱落不盡數上歷雖

未出冶并許人告得實依漏稅法給賞從之無新

甲申吏部言應在任判司簿尉舉移令職官知縣人如

舉狀考第該就移其願罷任者具狀詣闕徑申所屬錄

申吏部以申狀到日作見闕注官承替訖許令罷任若

申狀未到已有先注擬待闕人亦下待闕處促新官候

到方得罷任從之無新 詔刑部今後官員犯公罪杖已

下依赦文及有正例別無違礙者關吏部施行

乙酉吏部侍郎趙君錫為天章閣待制樞密都承旨兵

部侍郎顧臨為吏部侍郎集賢殿修撰知徐州彭汝礪

權兵部侍郎新知維州周孝恭為刑部員外郎 詔知

秀州章衡知廬州楊汲並為集賢殿修撰衡知襄州汲



知徐州

左司諫楊康國言

五年九月十四日竊聞朝散大夫

章衡除集賢殿修撰知襄州士論喧然皆爲不當謹按  
衡之爲人污行醜名著聞天下語其惡穢之迹君父之  
前不敢縷陳豈可以歲月敘遷進兼清職況郡守之寄  
師表千里民所取法考衡素履所至之郡識者見之莫  
不訝朝廷差任之失謂衡安可以化民也愚民見之則  
曰郡守尙爾我何爲而不可哉當見夫不夫婦不婦男  
不男女不女矣敗壞陛下之美俗無如衡之爲甚也直  
可屏之遠方與眾不齒陛下必欲包荒未卽遐棄但可  
止令散宮廟與祿贍家竊年終身不可復與民政臣之  
區區肝膽俱露無他實恐有辱聖朝治體伏望陛下省  
察早賜指揮追寢新命以清朝論

詔措置河北糴便